

Святая праведная блаженная
МАТРОНА МОСКОВСКАЯ



АКАФИСТ
МАТРОНЕ МОСКОВСКОЙ

КОНДАК 1.

ИЗБРА́ННАЯ ДУ́ХОМ БО́ЖИИМ ОТ ПЕЛЁН МЛАДЁНЧЕСКИХ,
БЛАЖЁННАЯ СТА́РИЦЕ МАТРО́НО,
СЛЕПОТУ́ И НЕМО́ЩЬ ТЕЛЁСНУЮ КО ОЧИЩЁНИЮ
ДУХО́ВНОМУ ОТ БО́ГА ПРИЯ́ВШАЯ,
ДА́РОМ ПРОЗРЁНИЯ И ЧУДЕ́С ОБОГАТИ́ЛАСЯ ЕСИ́ И
ВЕНЦЁМ НЕТЛЁННЫМ ОТ ГО́СПОДА УКРАСИ́ЛАСЯ ЕСИ́.
СЕГО́ РА́ДИ И МЫ́ БЛАГОДА́РНЕ ВЕНЕ́Ц ПОХВА́ЛЬНЫЙ
ПРИНО́СИМ ТИ́, ВОПИЮ́ЩЕ:
РА́ДУЙСЯ, ПРА́ВЕДНАЯ МА́ТИ МАТРО́НО, ТЁПЛАЯ О НА́С К
БО́ГУ МОЛИ́ТВЕННИЦЕ.

ЎКОС 1.

А́НГЕЛ ВО ПЛО́ТИ ЯВИ́ЛАСЯ ЕСИ́ НА ЗЕМЛИ́,
МАТРО́НО БЛАЖЁННАЯ, ИСПОЛНЯ́ЮЩИ ВО́ЛЮ БО́ЖИЮ.
А́ЩЕ РОЖДЕСТВО́ ТВОЁ́ В СЛЕПОТЕ́ ТЕЛЁСНЕЙ БЫ́СТЬ,
НО ГОСПО́ДЬ, УМУДРЯ́Й СЛЕПЦЫ́ И ЛЮБЯ́Й ПРА́ВЕДНЫЯ,
ПРОСВЕТИ́ ДУХО́ВНИИ О́ЧИ ТВОИ́, ДА ПОСЛУ́ЖИШИ
ЛЮ́ДЕМ И ДЕЛА́ БО́ЖИЯ ЯВЯ́ТСЯ ЧРЕЗ ТЕБЕ́.
МЫ́ ЖЕ С ЛЮБОВИ́Ю ВОПИЕ́М ТИ́ ТАКОВА́Я:
РА́ДУЙСЯ, ОТ МЛАДЁНЧЕСТВА БО́ГОМ ИЗБРА́ННАЯ;
РА́ДУЙСЯ, БЛАГОДА́ТИЮ ДУ́ХА СВЯТА́ГО ОТ ПЕЛЁН
ОСЕНЁННАЯ.
РА́ДУЙСЯ, ДА́РОМ ЧУДЕ́С ИЗМЛА́ДА ОБОГАЩЁННАЯ;
РА́ДУЙСЯ, ПРЕМУ́ДРОСТИЮ ОТ БО́ГА СВЫ́ШЕ
ИСПО́ЛНЕННАЯ.
РА́ДУЙСЯ, МЫ́СЛЕННЫМА ОЧЫ́МА ВО́ЛЮ БО́ЖИЮ
ПРОЗИРА́ЮЩАЯ;
РА́ДУЙСЯ, СЛЕПО́ТСТВУЮЩИХ УМО́М МУДРЕЦО́В ВЕ́КА
СЕГО́ ПОСРАМЛЯ́ЮЩАЯ.
РА́ДУЙСЯ, ДУ́ШИ ЗАБЛУ́ЖДШИЯ К БО́ГУ ПРИВОДЯ́ЩАЯ;
РА́ДУЙСЯ, СКО́РБИ И ПЕЧА́ЛИ УТОЛЯ́ЮЩАЯ.
РА́ДУЙСЯ, ПРА́ВЕДНАЯ МА́ТИ МАТРО́НО, ТЁПЛАЯ О НА́С К
БО́ГУ МОЛИ́ТВЕННИЦЕ.

КОНДАК 2.

ВИДЯЩЕ ЛЮДИЕ И ИЕРЕЙ, ЕГДА КРЕЩАШЕ ТЯ,
БЛАЖЕННАЯ, ЧУДНЫЙ СТОЛП ОБЛАЧНЫЙ НАД ГЛAVОЮ
ТВОЕЮ И ОБОНЯВШЕ БЛАГОУХАНИЕ ВЕЛИЕ, ДИВЛЯХУСЯ,
ЧТО УБО СИЯ ОТРОКОВИЦА БУДЕТ, ПОЮЩЕ БОГУ:
АЛЛИЛУИА.

ИКОС 2.

РАЗУМ ИМЕЯ ПРОСВЕЩЕННЫЙ, ИЕРЕЙ БОЖИЙ ВАСИЛИЙ
ПОЗНА, ЯКО КРЕЩАЕМАЯ ОТ НЕГО СОСУД БЛАГОДАТИ
БОЖИЯ ЕСТЬ, И ТЯ, ПРАВЕДНАЯ МАТРОНО, ОТРОКОВИЦУ
СВЯТУ НАРЕЧЕ.

ОТ НАШЕГО ЖЕ УСЕРДИЯ ПРИНОСИМ ТИ ПОХВАЛЫ СИЯ:
РАДУЙСЯ, ВО СВЯТЕЙ КУПЕЛИ БЛАГОДАТИЮ СВЯТАГО
ДУХА ОБЛАГОУХАННАЯ;

РАДУЙСЯ, НА ПЕРСЕХ ТВОИХ КРЕСТ ЗАПЕЧАТЛЕННЫЙ
ИМЕВШАЯ.

РАДУЙСЯ, МОЛИТВЕННИЦЕ, ОТ БОГА ЛЮДЕМ
ДАРОВАННАЯ;

РАДУЙСЯ, СВЕЩЕ НЕУГАСИМАЯ, ПРЕД ГОСПОДЕМ
СИЯЮЩАЯ.

РАДУЙСЯ, ДАРОМ ЧУДОТВОРЕНИЯ ОТ БОГА
ПРОСЛАВЛЕННАЯ НА ЗЕМЛИ;

РАДУЙСЯ, ВЕНЦЕМ НЕУВЯДАЕМЫМ ОТ ГОСПОДА
УВЕНЧАННАЯ НА НЕБЕСИ.

РАДУЙСЯ, МИЛОСТИ БОЖИЯ ГРЕШНЫМ ВОЗВЕЩАЮЩАЯ;

РАДУЙСЯ, ОТ ИСТОЧНИКА ВОДЫ ЖИВЫЯ ЖАЖДУЩИЯ
НАПАЯЮЩАЯ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 3.

СИЛУ БОЖИЯ БЛАГОДАТИ ОЩУЩАЮЩИ,
ЕЩЕ ВО МЛАДЕНЧЕСТВЕ СУЩИ, МАТРОНО БЛАЖЕННАЯ,
КО ИКОНАМ СВЯТЫМ УСТРЕМЛЯЛАСЯ ЕСИ И ЧИСТЫМ
СЕРДЦЕМ И МЛАДЕНЧЕСКИМИ УСТЫ ХВАЛУ БОГУ
ВОЗГЛАШАЛА ЕСИ: АЛЛИЛУИА.

ИКОС 3.

ИМУЩИ ОТ БОГА ДАР ПРОЗРЕНИЯ ИЗДЕТСКА,
БЛАЖЕННАЯ МАТИ, СОКРОВЕННАЯ СЕРДЕЦ ПРИХОДЯЩИХ
К ТЕБЕ ВЕДУЩИ И ОНЫМ БУДУЩАЯ, ЯКО НАСТОЯЩАЯ,
СКАЗУЮЩИ,
МНОГИЯ ЛЮДИ НА ПУТЬ БЛАГОЧЕСТИЯ НАПРАВЛЯЛА ЕСИ.
ТЕМЖЕ ПРОСЛАВЛЯЮЩЕ БОГА, УМУДРЯЮЩАГО СЛЕПЦЫ,
ВОПИЕМ ТЕБЕ СИЦЕ:
РАДУЙСЯ, ДИВНАЯ ПРОВИДИЦЕ;
РАДУЙСЯ, СОКРОВЕННЫХ ГРЕХОВ ОБЛИЧИТЕЛЬНИЦЕ.
РАДУЙСЯ, ПОМРАЧЕННЫХ ДУШЕЮ ПРЕСВЕТЛАЯ
НАСТАВНИЦЕ;
РАДУЙСЯ, ЗАБЛУЖДШИХ МИЛОСТИВАЯ
ПУТЕВОДИТЕЛЬНИЦЕ.
РАДУЙСЯ, ЗВЕЗДО, ВЕРНЫМ ПУТЬ УКАЗУЮЩАЯ;
РАДУЙСЯ, СВЕЩЕ, ВО ТЬМЕ ВЕКА СЕГО СВЕТЯЩАЯ.
РАДУЙСЯ, ЕДИНОМУ БОГУ ПОСЛУЖИВШАЯ;
РАДУЙСЯ, КОЗНИ ДИАВОЛЬСКИЯ БЛАГОДАТИЮ ДУХА
СВЯТАГО ПОПРАВШАЯ.
РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 4.

БУ́РЯ НЕДОУМЕ́НИЯ И СМЯТЭ́НИЯ О ЧУДЕСЭ́Х ТВОИ́Х В
ЛЮДЕ́Х РАЗВЕ́ЯСА, МА́ТИ БЛАЖЭ́ННАЯ, И ТИИ,
ВРАЗУМ́ВШУ И́Х ГО́СПОДУ, ДИ́ВНОМУ ВО СВЯТЫ́Х СВОИ́Х,
ПРОСЛА́ВИША И ВОСХВАЛ́ИША ТЯ́,
БО́ГУ ЖЕ С БЛАГОДАРЕ́НИЕМ ВОСПЕ́ША: АЛЛИЛУ́ИА.

И́КОС 4.

СЛЫ́ШАВШЕ ЛЮ́ДИЕ, МА́ТИ МАТРО́НО, Я́КО ПО́МОЩЬ В
НЕДУ́ЗЕХ ДУШЭ́ВНЫХ И ТЕЛЭ́СНЫХ ПОДАЭ́ШИ,
ПРИХОЖДА́ХУ К ТЕБЭ́ СО УПОВА́НИЕМ И, СОВЭ́Т
БЛАГОПРИЯ́ТЕН И ИСЦЕЛЭ́НИЕ ПОЛУЧИ́ВШЕ,
БЛАГОДА́РЯЩЕ БО́ГА, ВОСПЕВА́ХУ ТЕБЭ́:
РА́ДУЙСЯ, Я́КО БОЛЕ́ЗНУЮЩИХ И СТРА́ЖДУЩИХ ДУШЕ́Ю
ПРИЭ́МЛЕШИ;
РА́ДУЙСЯ, Я́КО МИ́Р ДУША́М СКОРБЯ́ЩИМ ДА́РУЕШИ.
РА́ДУЙСЯ, В ЗАБЛУЖДЕ́НИИХ СУ́ЩИХ ВРАЗУМИ́ТЕЛЬНИЦЕ;
РА́ДУЙСЯ, БЛАГОЧЭ́СТИЯ УЧИ́ТЕЛЬНИЦЕ.
РА́ДУЙСЯ, ПЕЧА́ЛЕЙ НА́ШИХ УТОЛИ́ТЕЛЬНИЦЕ;
РА́ДУЙСЯ, В СКО́РБЕХ УТЕ́ШИТЕЛЬНИЦЕ.
РА́ДУЙСЯ, БЛАЃАЯ БЕЗСРЕ́БРЕНИЦЕ;
РА́ДУЙСЯ, НЕДУ́ГОВ ВСЯ́ЧЕСКИХ БЕЗМЕ́ЗДНАЯ
ВРАЧЕВА́ТЕЛЬНИЦЕ.
РА́ДУЙСЯ, ПРА́ВЕДНАЯ МА́ТИ МАТРО́НО, ТЕ́ПЛАЯ О НА́С К
БО́ГУ МОЛИ́ТВЕННИЦЕ.

КОНДАК 5.

БОГОТЭЧНАЯ ЗВЕЗДА ВОЗСИЯЛА ЕСИ, МАТИ БЛАЖЕННАЯ
МАТРОНО, ВО ДНИ ЛИХОЛЕТИЯ ВО ОТЕЧЕСТВИИ НАШЕМ,
ЯКО НОВАЯ ИСПОВЕДНИЦА, ИГО ХРИСТОВО
ДЕРЗНОВЕННО И БЕЗБОЯЗНЕННО ЧРЕЗ ВСЕ ЖИТИЕ
ПРОНЕСЛА ЕСИ И, БЛАГОДАТИЮ БОЖИЕЮ УКРЕПЛЯЕМА,
ПОДАВАЛА ЕСИ НЕДОУМЕВАЮЩИМ ВРАЗУМЛЕНИЕ,
СТРАЖДУЩИМ ОСЛАБУ, БОЛЬНЫМ ИСЦЕЛЕНИЕ,
БЛАГОДАРСТВЕННО ЗОВУЩИМ БОГУ: АЛЛИЛУИА.

ИКОС 5.

ВИДЕВШЕ МНОЗИ РОССИЙСТИИ ЛЮДИЕ ЧУДЕСА И
ИСЦЕЛЕНИЯ, БОЖИЕЮ БЛАГОДАТИЮ ОТ ТЕБЕ
ПОДАВАЕМАЯ: ХРОМЫМ ХОЖДЕНИЕ, РАЗСЛАБЛЕННЫМ И
НА ОДРЕ ЛЕЖАЩИМ ИСЦЕЛЕНИЕ, БЕСНУЮЩИМСЯ ДУХОВ
ЗЛОБЫ ОТГНАНИЕ,

УСТРЕМИШАСЯ К ТЕБЕ, МАТИ, ЯКО К ИСТОЧНИКУ
НЕИСЧЕРПАЕМОМУ, ОТ НЕГОЖЕ ИСПИВШЕ ОБИЛЬНО,
УМИЛЕННЫМ СЕРДЦЕМ ВОЗОПИША ТЕБЕ ТАКОВАЯ:
РАДУЙСЯ, НА ПУТЬ ПРАВЫЙ ОТ МЛАДЕНЧЕСТВА
ПРИЗВАННАЯ;

РАДУЙСЯ, ПРАВЕДНИЦЕ, ОТ БОГА НАМ ДАРОВАННАЯ.
РАДУЙСЯ, ЦЕЛИТЕЛЬНИЦЕ, НЕДУГИ НАША ИСЦЕЛЯЮЩАЯ;
РАДУЙСЯ, В НУЖДАХ НАШИХ СКОРО ПОМОГАЮЩАЯ.

РАДУЙСЯ, ДУШЕПОЛЕЗНЫМИ СОВЕТАМИ НАС
ВРАЗУМЛЯЮЩАЯ;

РАДУЙСЯ, НЕДОУМЕНИЯ НАША СКОРО РАЗРЕШАЮЩАЯ.

РАДУЙСЯ, ДУХИ НЕЧИСТЫЯ ОТ ЧЕЛОВЕК ОТГОНЯЮЩАЯ;

РАДУЙСЯ, ОТ ВСЯКАГО ЗЛА МОЛИТВОЮ ТВОЕЮ

ОГРАЖДАЮЩАЯ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 6.

ПРОВОЗВѢСТНИК СВЯТОСТИ И ПРАВЕДНОСТИ ЖИТИЯ ТВОЕГО, БЛАЖЕННАЯ МАТИ, ЯВИСЯ СВЯТЫЙ И ПРАВЕДНЫЙ ОТЕЦ ИОАНН КРОНШТАДТСКИЙ, ЕГДА УЗРЕ ТЯ ВО ХРАМЕ И НАИМЕНОВА ТЯ СВОЮ ПРЕЕМНИЦУ, ТАЖЕ И ОСМЫЙ СТОЛП РОССИИ.
ВСИ ЖЕ, СЛЫШАВШЕ СИЕ, ПРОСЛАВИША ГОСПОДА, ВОЗГЛАШАЮЩЕ ЕМУ ПЕСНЬ: АЛЛИЛУИА.

ИКОС 6.

ВОСИЯ МОЛИТВАМИ ТВОИМИ, МАТИ МАТРОНО, СВЕТ БЛАГОДАТИ БОЖИЯ В СЕРДЦАХ НЕ ВЕДУЩИХ БОГА И ГРЕХМИ МНОГИМИ ПРОГНЕВЛЯЮЩИХ ЕГО. ТИИ ЖЕ, ВИДЯЩЕ ЧУДЕСА, ТОБОЮ СОВЕРШАЕМАЯ, ОБРАЩАХУСЯ КО ГОСПОДУ, УБЛАЖАЮЩЕ ТЯ СИЦЕ:
РАДУЙСЯ, ПОДВИГИ ТВОИМИ БОГА ПРОСЛАВЛЯЮЩАЯ;
РАДУЙСЯ, СЛАВУ БОЖИЮ НАМ ЯВЛЯЮЩАЯ.
РАДУЙСЯ, НЕВЕРНЫЯ НА ПУТЬ ПРАВЫЙ НАСТАВЛЯЮЩАЯ;
РАДУЙСЯ, ГРЕХМИ ОСКВЕРНЕННЫЯ МОЛИТВАМИ ТВОИМИ ОЧИЩАЮЩАЯ.
РАДУЙСЯ, К ПОКАЯНИЮ НАС ПРИЗЫВАЮЩАЯ;
РАДУЙСЯ, ЗА ВСЯ БЛАГОДАРИТИ ГОСПОДА НАС ВРАЗУМЛЯЮЩАЯ.
РАДУЙСЯ, ХРАМ БОЖИЙ ЛЮБИТИ НАС НАУЧАЮЩАЯ;
РАДУЙСЯ, ВО ОГРАДУ ЦЕРКОВНУЮ РАСТОЧЕННЫЯ ОВЦЫ СОБИРАЮЩАЯ.
РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К БОГУ МОЛИТВЕННИЦЕ.

КОНДАК 7.

ХОТЯЩИ ПРЕСВЯТЮЮ ВЛАДЫЧИЦУ НАШУ БОГОРОДИЦУ
ДОСТОЙНО УБЛАЖИТИ, МАТИ МАТРОНО, ПОВЕЛЕЛА ЕСИ
ЛЮДЕМ НАПИСАТИ ВСЕЧЕСТНЫЙ ОБРАЗ ЕЯ,
ВЗЫСКАНИЕ ПОГИБШИХ ИМЕНУЕМЫЙ, И В ХРАМЕ
БОЖИЕМ ВЕСИ ТВОЕЯ ВОДВОРИТИ,
ДА ВСИ, ВЗИРАЮЩЕ НА СВЕТЛЫЙ ЛИК ПРЕЧИСТЫЯ,
СО УМИЛЕНИЕМ ВОСХВАЛЯТ Ю, ГОСПОДУ ЖЕ ВОЗОПИЮТ:
АЛЛИЛУИА.

ИКОС 7.

НОВУЮ ТЯ ЗАСТУПНИЦУ, МОЛИТВЕННИЦУ И ХОДАТАИЦУ К
БОГУ ДАРОВА ГОСПОДЬ В ГОДИНУ ТЯЖКУЮ ЛЮДЕМ
РОССИЙСКИМ, МНОЗИ БО ОТПАДАХУ ОТ СВЯТЫЯ ЦЕРКВЕ,
ТЫ ЖЕ, МАТИ, МАЛОВЕРНЫЯ И ЗАБЛУЖДШИЯ НАСТАВЛЯЛА
ЕСИ СЛОВОМ И ДЕЛОМ, ЯВЛЯЮЩИ ДИВНАЯ ЧУДЕСА
БОЖИЯ.

ТЕМЖЕ ВОСПЕВАЕМ ТИ СИЦЕ:

РАДУЙСЯ, СТРАНЫ НАШЕЯ РОССИЙСКИЯ НЕУСЫПНАЯ
ПЕЧАЛЬНИЦЕ;

РАДУЙСЯ, СПАСЕНИЯ НАШЕГО ХОДАТАИЦЕ.

РАДУЙСЯ, БОГА, СУДИИ ПРАВЕДНАГО,

УМИЛОСТИВИТЕЛЬНИЦЕ;

РАДУЙСЯ, НЕДУЖНЫХ И ОБИДИМЫХ ПОКРОВИТЕЛЬНИЦЕ.

РАДУЙСЯ, НЕМОЩНЫХ И БЕЗНАДЕЖНЫХ ПОМОЩНИЦЕ;

РАДУЙСЯ, ПРОТИВУ ДУХОВ ЗЛОБЫ НЕПРЕСТАННАЯ
ВОИТЕЛЬНИЦЕ.

РАДУЙСЯ, ЯКО ТРЕПЕЩУТ ТЯ КНЯЗИ БЕСОВСТИИ;

РАДУЙСЯ, ЯКО РАДУЮТСЯ О ТЕБЕ АНГЕЛИ И ЧЕЛОВЕЦЫ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 8.

СТРАННО МАЛОВЕРНЫМ И НЕРАЗУМНЫМ БЫТЬ,
КАКО СЛЕПОРОЖДЕННАЯ ВИДЕТИ И ВЕДЕТИ МОЖЕТ НЕ
ТОЧИЮ НАСТОЯЩАЯ, НО И БУДУЩАЯ,
НЕ ВЕДЯХУ БО СИЛЫ БОЖИЯ, В НЕМОЩИ ЧЕЛОВЕЧЕСТЕЙ
СОВЕРШАЕМЫЯ.

МЫ ЖЕ, БЛАЖЕННАЯ МАТИ, ПРЕМУДРОСТЬ БОЖИЮ,
В ТЕБЕ ЯВЛЕННУЮ, ЗРЯЩЕ, ВОПИЕМ БОГУ: АЛЛИЛУИА.

ИКОС 8.

ВСЯЧЕСКИЯ ДОСАЖДЕНИЯ И ОБИДЫ, ИЗГНАНИЯ И
УКОРЕНИЯ ПРЕТЕРПЕЛА ЕСИ, БЛАЖЕННАЯ МАТИ,
НЕ СЕТУЮЩИ О СЕМ, НО ЗА ВСЯ БЛАГОДАРЯЩИ БОГА.
СИМ ЖЕ И НАС НАУЧАЕШИ ТЕРПЕЛИВНО НЕСТИ КРЕСТ
СВОЙ, ТЕБЕ ЖЕ БЛАГОХВАЛИТИ ТАКО:

РАДУЙСЯ, В МОЛИТВЕ НЕПРЕСТАННО ПРЕБЫВАВШАЯ;
РАДУЙСЯ, ДУХОВ ЗЛОБЫ ПОСТОМ И МОЛИТВОЮ
ОТГНАВШАЯ.

РАДУЙСЯ, МИР БЛАГОДАТНЫЙ СТЯЖАВШАЯ;
РАДУЙСЯ, ЛЮБОВИЮ ТВОЕЮ МНОГИЯ ОКРЕСТ ТЕБЕ
СПАСАВШАЯ.

РАДУЙСЯ, ЖИТИЕМ ТВОИМ ИЗРЯДНО ЛЮДЕМ
ПОСЛУЖИВШАЯ;

РАДУЙСЯ, И ПО КОНЧИНЕ ТВОЕЙ ЛЮДЕМ НЕПРЕСТАННО
ПОМОГАЮЩАЯ.

РАДУЙСЯ, И НЫНЕ НАШИМ ПРОШЕНИЕМ ТЕПЛЕ
ВНИМАЮЩАЯ;

РАДУЙСЯ, УПОВАЮЩИХ НА ПОМОЩЬ ТВОЮ НЕ
ОСТАВЛЯЮЩАЯ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 9.

ВСЯКІЯ СКОРБИ И БОЛѢЗНИ АЩЕ И ПРЕТЕРПѢЛА ЕСІ,
МАТИ МАТРОНО, НЕПРЕСТА́ННО ВЕДУ́ЩИ БРА́НЬ С
СИ́ЛАМИ ТЪМБЫ, ОБЛИЧА́ЮЩИ КО́ЗНИ И КОВА́РСТВА ЇХ И
ИЗГОНЯ́ЮЩИ БЕ́СЫ ОТ ОДЕРЖИ́МЫХ, ОБА́ЧЕ ДО КОНЧИ́НЫ
ДНИ́Й ТВОИ́Х ПОМОГА́ЛА ЕСІ СТРА́ЖДУЩИМ,
НЕДУ́ГУЮЩИМ И СКОРБЯ́ЩИМ,
ПРИ́СНО ПОЮ́ЩИ БО́ГУ: АЛЛИЛУ́ИА.

ЎКОС 9.

ВЕТИИ МНОГОВЕЩА́ННИИ НЕ ВОЗМО́ГУТ ДОСТО́ЙНО
ПРОСЛА́ВИТИ СВЯТО́Е ЖИТИ́Е ТВОЕ́ И ЧУДЕСА́,
СИ́ЛОЮ БО́ЖИЕЮ ТОБО́Ю ТВОРИ́МАЯ,
ПРЕДИ́ВНАЯ СТА́РИЦЕ.

МЫ́ ЖЕ, ХОТЯ́ЩЕ ПСАЛО́МСКИ ХВАЛИ́ТИ БО́ГА ВО СВЯТЫ́Х
ЕГО́ И ПОДВИЗА́ЕМИИ СЕРДЕ́ЧНОЮ ЛЮБО́ВИЮ,
ДЕРЗА́ЕМ ПѢТИ ТЕБѢ ТАКОВА́Я:

РА́ДУЙСЯ, У́ЗКИЙ ПУ́ТЬ И ТѢСНАЯ ВРАТА́ ИЗБРА́ВШАЯ;
РА́ДУЙСЯ, ДОБРОДЕ́ТЕЛЬМИ МНО́ГИМИ ПРОСИ́ЯВШАЯ.
РА́ДУЙСЯ, ВСЯ́ ТЛѢ́ННАЯ В ЖИТИ́И ТВОЕ́М ОТВѢРГШАЯ;
РА́ДУЙСЯ, СМИРЕ́НИЕМ, Я́КО ВЕНЦѢ́М ДРАГИ́М,
УКРАШѢ́ННАЯ.

РА́ДУЙСЯ, ЕВА́НГЕЛЬСКИ, Я́КО ПТИ́ЦА НЕБѢ́СНАЯ, НА
ЗЕМЛІ́ ПОЖИ́ВШАЯ;

РА́ДУЙСЯ, СЫ́НУ БО́ЖИЮ, НЕ ИМЕ́ВШЕМУ, ГДЕ́ ГЛАВУ́
ПОДКЛО́НИТИ, ПОСЛЕ́ДОВАВШАЯ.

РА́ДУЙСЯ, НЫ́НЕ ВО ОБИ́ТЕЛЕХ РА́ЙСКИХ ВЕСЕЛЯ́ЩАЯСЯ;
РА́ДУЙСЯ, И НА́С ГРЕ́ШНЫХ, МОЛЯ́ЩИХСЯ ТЕБѢ,
МИ́ЛОСТИЮ ТВОЕ́Ю НЕ ОСТАВЛЯ́ЮЩАЯ.

РА́ДУЙСЯ, ПРА́ВЕДНАЯ МА́ТИ МАТРО́НО, ТЕ́ПЛАЯ О НА́С К
БО́ГУ МОЛИ́ТВЕННИЦЕ.

КОНДАК 10.

СПАСТИ ХОТЯЩИ МНОГИЯ ЛЮДИ ОТ СТРАДАНИЙ
ТЕЛЕСНЫХ И ДУШЕВНЫХ НЕДУГ, ВСЕНОЩНО ПРЕБЫВАЛА
ЕСИ, ПРАВЕДНИЦЕ БОЖИЯ, В МОЛИТВЕ, ПРОСЯЩИ ИМ
ПОМОЩИ И УКРЕПЛЕНИЯ ОТ ГОСПОДА НАШЕГО ИИСУСА
ХРИСТА, ПОЮЩИ ЕМУ: АЛЛИЛУИА.

ИКОС 10.

СТЕНА И ПОКРОВ БЫЛА ЕСИ ВО ДНИ ЖИТИЯ ТВОЕГО,
БЛАЖЕННАЯ МАТИ, ВСЕМ К ТЕБЕ ПРИБЕГАЮЩИМ, И ПО
СМЕРТИ НЕ ПРЕСТАЕШИ ХОДАТАЙСТВОВАТИ ПРЕД БОГОМ
О ЛЮДЕХ, С ВЕРОЮ ПРИТЕКАЮЩИХ КО ГРОБУ ТВОЕМУ.
ТЕМЖЕ УБО УСЛЫШИ НЫНЕ И НАС, ГРЕШНЫХ, СКОРБЬМИ,
БОЛЕЗНЯМИ И МНОГИМИ ПЕЧАЛЬМИ ОДЕРЖИМЫХ,
И ПОТЩИСЯ НА ПОМОЩЬ ТВОИМИ МОЛИТВАМИ ВСЕМ К
ТЕБЕ ВОПИЮЩИМ:

РАДУЙСЯ, ОБИДИМЫХ СКОРАЯ ПРЕДСТАТЕЛЬНИЦЕ;

РАДУЙСЯ, ТЕРПЯЩИХ ЛИШЕНИЯ УТЕШИТЕЛЬНИЦЕ.

РАДУЙСЯ, ЧЕСТНАГО СУПРУЖЕСТВА ОХРАНЕНИЕ;

РАДУЙСЯ, ВСЕХ ВО ВРАЖДЕ СУЩИХ УМИРЕНИЕ.

РАДУЙСЯ, НЕПРАВО НА СУД ВЛЕКОМЫХ

ЗАЩИТИТЕЛЬНИЦЕ;

РАДУЙСЯ, И О ВИНОВНЫХ ПРЕД СУДОМ ЗЕМНЫМ К БОГУ
МИЛОСТИВАЯ ХОДАТАИЦЕ.

РАДУЙСЯ, ЛИШИВШИХСЯ КРОВА ПРИСТАНИЦЕ;

РАДУЙСЯ, ВСЕХ К ТЕБЕ ВЗЫВАЮЩИХ ЗАСТУПНИЦЕ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 11.

ПѢНИЕ АНГЕЛЬСКОЕ СЛЫШАЛА ЕСИ, МАТИ ЧЕСТНАЯ
МАТРОНО, ЕЩЕ НА ЗЕМЛИ ЖИВУЩИ.

НАУЧИ И НАС, НЕДОСТОЙНЫХ, КАКО ПОДОБАЕТ СЛАВИТИ
БОГА, В ТРОИЦЕ ПОЧИТАЕМАГО, ОТЦА И СЫНА И СВЯТАГО
ДУХА, ЕМУЖЕ НЕПРЕСТАННО ВОИНСТВА НЕБЕСНАЯ
ВЕЛЕГЛАСНО ВОСПЕВАЮТ: АЛЛИЛУИА.

ЎКОС 11.

СВЕТОЗАРНЫМ СВѢТОМ СИЯЕТ ЖИТИЕ ТВОЕ, БЛАЖЕННАЯ
МАТРОНО, ОСВЕЩАЯ МРАК МНОГОСУЕТНАГО МИРА СЕГО,
И ВЛЕЧЕТ К СЕБЕ ДУШИ НАША, ЯКО ДА И МЫ ЛУЧЕЮ
БЛАГОДАТИ БОЖИЯ ОЗАРИМСЯ И СКОРБНЫЙ ПУТЬ
ПРИВРЕМЕННЫЯ ЖИЗНИ БОГОУГОДНО ПРОЙДЕМ И
ЦАРСТВИЯ БОЖИЯ ДОСТИГНЕМ, ИДЕЖЕ ТЫ, МАТИ, НБНЕ
ВСЕЛИЛАСЯ ЕСИ, СЛЫШАЩИ ГЛАС НАШ, ТЕБЕ ЗОВУЩИХ:
РАДУЙСЯ, СВЕЩЕ БОЖИЯ, ПРИСНО ГОРЯЩАЯ;
РАДУЙСЯ, БИСЕРЕ ЧЕСТНЫЙ, БЛИСТАНИЕМ СВЯТЫНИ
ТВОЕЯ НАС ОЗАРЯЯИ.

РАДУЙСЯ, ЦВЕТЕ БЛАГОВОННЫЙ, ДУХОМ СВЯТЫМ НАС
ОБЛАГОУХАЯИ;

РАДУЙСЯ, КАМЕНЮ ВЕРЫ, МАЛОДУШНЫЯ В БЛАГОЧЕСТИИ
УТВЕРЖДАЯИ.

РАДУЙСЯ, ЗВЕЗДО ПРЕСВЕТЛАЯ, ПРАВЫЙ ПУТЬ НАМ
УКАЗУЮЩАЯ;

РАДУЙСЯ, ДОБРАЯ ВОИТЕЛЬНИЦЕ ХРИСТОВА, МЕЧЕМ
МОЛИТВЫ ДЕМОНСКИЯ ПОЛКИ УСТРАШАЮЩАЯ.

РАДУЙСЯ, ЯКО ВСЕ ЖИТИЕ ТВОЕ СВЯТО И НЕПОРОЧНО;

РАДУЙСЯ, ЯКО И СМЕРТЬ ТВОЯ ПРЕД ГОСПОДЕМ ЧЕСТНА.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 12.

БЛАГОДАТЬ БОЖИЮ ОБИЛЬНО ЕЩЕ ОТ ПЕЛЕН ВОСПРИЯЛА
ЕСИ, МАТИ БЛАЖЕННАЯ, ЯЖЕ ВИНУ ПРЕБИСТЬ С ТОБОЮ
ПО ВСЯ ДНИ ЖИЗНИ.

ВЕРУЕМ НЕСУМНЕННО, ЯКО И ПО УСПЕНИИ ТВОЕМ
БЛАГОДАТЬ СИЯ ПРЕБОГАТНО ПРЕБЫВАЕТ С ТОБОЮ.
СЕГО РАДИ ПРИПАДАЮЩЕ МОЛИМСЯ: НЕ ЛИШИ И НАС,
ЕЩЕ СТРАНСТВУЮЩИХ НА ЗЕМЛИ, ПОМОЩИ ТВОЕЯ И
ЗАСТУПЛЕНИЯ, ПРОСЯЩИ ГОСПОДА ПОМИЛОВАТИ ВСЕХ
ПОЮЩИХ ЕМУ: АЛЛИЛУИА.

ИКОС 12.

ПОЮЩЕ МНОГАЯ И ДИВНАЯ ТВОЯ ЧУДЕСА, МАТИ
МАТРОНО, ВОСХВАЛЯЕМ БОГА, ДАРОВАВШАГО ГРАДУ
МОСКВЕ И ОТЕЧЕСТВУ НАШЕМУ ВО ДНИ БЕЗБОЖИЯ И
ГОНЕНИЯ ТЯ, НЕПОКОЛЕБИМЫЙ СТОЛП БЛАГОЧЕСТИЯ И
ВЕРЫ.

НБНЕ ЖЕ, БЛАЖЕННАЯ МАТИ, БЛАГОДАРНЫМ СЕРДЦЕМ
ВОСПЕВАЕМ ТЕБЕ СИЦЕ:

РАДУЙСЯ, МИР ХРИСТОВ В ДУШЕ ТВОЕЙ СТЯЖАВШАЯ;
РАДУЙСЯ, СЕГО РАДИ МНОГИЯ ЛЮДИ ОКРЕСТ ТЕБЕ К БОГУ
ПРИВЕДШАЯ.

РАДУЙСЯ, В НЕМОЩНОМ ТЕЛЕ СУЩИ, СИЛУ БОЖИЯ
БЛАГОДАТИ ПОКАЗАВШАЯ;

РАДУЙСЯ, ВО ОБРЕТЕНИИ ЧЕСТНЫХ МОЩЕЙ ТВОИХ
БОЖИЮ МИЛОСТЬ НАМ ЯВИВШАЯ.

РАДУЙСЯ, СОНМА СВЯТЫХ МОСКОВСКИХ ИЗРЯДНОЕ
ПРОЦВЕТЕНИЕ;

РАДУЙСЯ, ГРАДА МОСКВЫ ПРЕСЛАВНОЕ УКРАШЕНИЕ.

РАДУЙСЯ, ОТЕЧЕСТВА НАШЕГО ПРИСНАЯ ПРЕД БОГОМ
ПЕЧАЛЬНИЦЕ;

РАДУЙСЯ, К ПОКАЯНИЮ И МОЛИТВЕ О ЗЕМЛИ
РОССИЙСТЕЙ ВСЕХ ПРИЗЫВАЮЩАЯ.

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.

КОНДАК 13.

О БЛАЖЕННАЯ МАТИ, УСЛЫШИ НЫНЕ ВОСПЕВАЕМОЕ ТЕБЕ ХВАЛЕБНОЕ ПЕНИЕ И ИСПРОСИ НАМ У ГОСПОДА ИИСУСА ХРИСТА ГРЕХОВ ОСТАВЛЕНИЕ, ХРИСТИАНСКИЯ МИРНЫЯ КОНЧИНЫ И ДОБРАГО ОТВЕТА НА СТРАШНОМ СУДИЩИ ЕГО, ДА И МЫ С ТОБОЮ СПОДОБИМСЯ В СЕЛЕНИИХ РАЙСКИХ СЛАВИТИ СВЯТУЮ ТРОИЦУ, ВОПИЮЩЕ:
АЛЛИЛУИА.

ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й И КОНДАК 1-Й.


ИКОС 1.

АНГЕЛ ВО ПЛОТИ ЯВИЛАСЯ ЕСИ НА ЗЕМЛИ, МАТРОНО БЛАЖЕННАЯ, ИСПОЛНЯЮЩИ ВОЛЮ БОЖИЮ.
АЩЕ РОЖДЕСТВО ТВОЕ В СЛЕПОТЕ ТЕЛЕСНЕЙ БЫСТЬ, НО ГОСПОДЬ, УМУДРЯЯЙ СЛЕПЦЫ И ЛЮБЯЙ ПРАВЕДНЫЯ, ПРОСВЕТИ ДУХОВНИИ ОЧИ ТВОИ, ДА ПОСЛУЖИШИ ЛЮДЕМ И ДЕЛА БОЖИЯ ЯВЯТСЯ ЧРЕЗ ТЕБЕ.
МЫ ЖЕ С ЛЮБОВИЮ ВОПИЕМ ТИ ТАКОВАЯ:
РАДУЙСЯ, ОТ МЛАДЕНЧЕСТВА БОГОМ ИЗБРАННАЯ;
РАДУЙСЯ, БЛАГОДАТИЮ ДУХА СВЯТАГО ОТ ПЕЛЕН ОСЕНЕННАЯ.
РАДУЙСЯ, ДАРОМ ЧУДЕС ИЗМЛАДА ОБОГАЩЕННАЯ;
РАДУЙСЯ, ПРЕМУДРОСТИЮ ОТ БОГА СВЫШЕ ИСПОЛНЕННАЯ.
РАДУЙСЯ, МЫСЛЕННЫМА ОЧИМА ВОЛЮ БОЖИЮ ПРОЗИРАЮЩАЯ;
РАДУЙСЯ, СЛЕПОТСТВУЮЩИХ УМОМ МУДРЕЦОВ ВЕКА СЕГО ПОСРАМЛЯЮЩАЯ.
РАДУЙСЯ, ДУШИ ЗАБЛУЖДШИЯ К БОГУ ПРИВОДЯЩАЯ;
РАДУЙСЯ, СКОРБИ И ПЕЧАЛИ УТОЛЯЮЩАЯ.
РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К БОГУ МОЛИТВЕННИЦЕ.

КОНДАК 1.

ИЗБРАННАЯ ДУХОМ БОЖИИМ ОТ ПЕЛЕН МЛАДЕНЧЕСКИХ,
БЛАЖЕННАЯ СТАРИЦЕ МАТРОНО, СЛЕПОТУ И НЕМОЩЬ
ТЕЛЕСНУЮ КО ОЧИЩЕНИЮ ДУХОВНОМУ ОТ БОГА
ПРИЯВШАЯ, ДАРОМ ПРОЗРЕНИЯ И ЧУДЕС ОБОГАТИЛАСЯ
ЕСИ И ВЕНЦЕМ НЕТЛЕННЫМ ОТ ГОСПОДА УКРАСИЛАСЯ
ЕСИ. СЕГО РАДИ И МЫ БЛАГОДАРНЕ ВЕНЕЦ ПОХВАЛЬНЫЙ
ПРИНОСИМ ТИ, ВОПИЮЩЕ:

РАДУЙСЯ, ПРАВЕДНАЯ МАТИ МАТРОНО, ТЕПЛАЯ О НАС К
БОГУ МОЛИТВЕННИЦЕ.



Святая праведная блаженная
МАТРОНА МОСКОВСКАЯ

ПРИЖИЗНЕННАЯ ФОТОГРАФИЯ МАТРОНЫ МОСКОВСКОЙ